



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ  
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք Երեւան, Ազաֆնյակ, ՀԱԼԱԲՅԱՆ Փ., շենք 41Ա, 10-րդ ՀԱՐԿ)



Սույն փաստաթղթի իսկությունը հնարավոր է ստուգել <https://verify.e-gov.am> կայք  
ուև մուտքագրելով IE05-88E8-4EB3-B114 հսկիչ համարը կամ սքանավորելով QR կոդը:

Ո Ր Ո Շ ՈՒ Մ

ՀԱՅՅԱԴԻՍՈՒՄԸ ՎԱՐՈՒՅԹ ԸՆԴՈՒՆԵԼՈՒ,

ԱՊԱՑՈՒՅՑ ՊԱՀԱՆՁԵԼՈՒ, ԳՈՐԾԸ ԴԱՏԱԿԱՆ ՆԻՍՏՈՒՄ

ՔՆՆԵԼՈՒ ՄԻՋՆՈՐԴՈՒԹՅՈՒՆԸ ՍԵՐԺԵԼՈՒ ԵՎ ԵԶՐԱՓՎԱԿԻՉ

ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ

ԵԴ2/4045/02/26  
15 Ապրիլի 2026թ

ք. Երևան

ՀՀ Երևան քաղաքի առաջին ատյանի ընդհանուր իրավասության  
դատարանի դատավոր Տ. Գրիգորյանս (այսուհետ նաև՝ Դատարան),  
ուսումնասիրելով <<ԱԼՖԱ ԼԵԳԱԼ>> ՍՊԸ-ի հայցադիմումը,

**Պ Ա Ր Չ Ե Ց Ի**

Հայցվոր <<ԱԼՖԱ ԼԵԳԱԼ>> ՍՊԸ-ի ներկայացուցիչ Ա. Պարանյան  
հայցադիմում են ներկայացրել Դատարան ընդդեմ <<Վայոց Ձորի բժշկական  
կենտրոն>> ՓԲԸ-ի՝ <<Վայոց Ձորի բժշկական կենտրոն>> ՓԲԸ-ի կարիքների  
համար բժշկական պարագաների ձեռքբերման նպատակով հայտարարված

ՎԶԲԿ-ԷԱՃԱՊԶԲ-26/44 ծածկագրով Էլեկտրոնային աճուրդի հրավերն անվավեր ճանաչելու պահանջնի մասին:

Հայցադիմում Էլեկտրոնային համակարգում մակագրվել է 13.04.2026թ. ժամը 21:31-ին:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

ՀՀ քաղաքացիական դատավարության օրենսգրքի 234.6-րդ հոդվածի 1-ին, 2-րդ, 3-րդ և 5-րդ մասերի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական Էլեկտրոնային փոստի հասցեին: Լիազորված մարմինը սույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

<<Գնումների մասին>> ՀՀ օրենքի 2-րդ հոդվածի 1-ին մասի 13-րդ կետի համաձայն՝ սույն օրենքում օգտագործվում են հետևյալ հիմնական հասկացությունները. լիազորված մարմին՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Ուսումնասիրելով հայցադիմումը և դրան կից փաստաթղթերը՝

Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի 121-122-րդ հոդվածներով նախատեսված պահանջների պահպանմամբ և առկա չեն հայցադիմումի ընդունումը մերժելու կամ այն վերադարձնելու հիմքեր:

Միևնույն ժամանակ, Դատարանը գտնում է, որ պատասխանող <<Վայոց Ձորի բժշկական կենտրոն>> ՓԲԸ-ից անհրաժեշտ է պահանջել թիվ ՎՁԲԿ-ԷԱՃԱՊՁԲ-26/44 ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Միաժամանակ, ՀՀ քաղաքացիական դատավարության օրենսգրքի 234.9-րդ հոդվածի 1-ին մասի 1-ին կետի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ՝ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործին մասնակցող անձանցից ստանալ պարզաբանումներ գործի լուծման համար նշանակություն ունեցող վկայակոչված հանգամանքների և գործում առկա ապացույցների վերաբերյալ:

ՀՀ քաղաքացիական դատավարության օրենսգրքի 234.9-րդ հոդվածի 4-րդ մասի համաձայն՝ գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Տվյալ դեպքում, հայցադիմումում միջնորդություն է ներառվել նաև գործը դատական նիստում քննելու վերաբերյալ, որով նշվել է, որ հիմք ընդունելով ՀՀ քաղաքացիական դատավարության օրենսգրքի 234.9. հոդվածի 1-ին մասի պահանջները և նկատի ունենալով, որ «Ալֆա Լեգալ» ՍՊԸ-ն իր խախտված իրավունքները սույն քաղաքացիական գործի շրջանակներում ավելի արդյունավետ կիրականացնի դատական նիստի միջոցով, իսկ Հայցվորը ցանկանում է Պատասխանողին հղղել մի շարք հարցեր և ստանալ գործի լուծման համար Էսկան նշանակություն ունեցող պատասխաններ, ուստի խնդրում ենք սույն գործը քննել դատական նիստում:

Վերոգրյալի հիման վրա՝ անդրադառնալով միջնորդությանը, Դատարանը ցանկանում է նշել, որ որ այն չի պարունակում որևէ հիմնավորում՝ գործը դատական նիստում քննելու անհրաժեշտության վերաբերյալ, որպիսի պարագայում ներկայացված միջնորդությամբ Դատարանը չի կարող գալ եզրահանգման, որ անհրաժեշտ է գործը քննել դատական նիստում:

Ինչ վերաբերում է պատասխանող կողմին հարցեր հղելուն, ապա Դատարանը հարկ է համարում նշել, որ հարցեր կարող են հղվել նաև դատական նիստից դուրս, ավելին, գնման գործընթացի շրջանակներում նախատեսված է հրավերի պարզաբանման հնարավորություն՝ հարցերի միջոցով և բացի այդ, դատական նիստ նշանակելն ինքնին դեռևս չի նշանակում, որ պատասխանող կողմի որևէ ներկայացուցիչ պետք է

ներկայանա նիստին, քանի որ դատավարության մասնակիցների համար դատական նիստին ներկայանալը հանդիսանում է իրավունք, այլ ոչ թե պարտականություն:

Արդյունքում Դատարանը գտնում է, որ քննարկվող միջնորդությունն ենթակա է մերժման:

Վերոգրյալների հիման վրա և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 188-րդ, 199-րդ, 200-րդ, 234.5-րդ և 234.6-րդ հոդվածներով՝

## **Ո Ր Ո Շ Ե Ց Ի**

Հայցադիմումն ընդունելի վարույթ և եզրափակիչ դատական ակտի հրապարակման օր նշանակել 25.05.2026թ.:

Պատասանող <<Վայոց Ձորի բժշկական կենտրոն>> ՓԲԸ-ից պահանջել թիվ ՎԶԲԿ-ԷԱՃԱՊԶԲ-26/44 ծածկագրով գնման գործընթացի հետ կապված իր տիրապետման տակ գտնվող բոլոր ապացույցները:

Որոշումը՝ ապացույցներ պահանջելու մասով, ենթակա է կատարման պատասխանողի կողմից այն ստանալուց հետո՝ հնգօրյա ժամկետում:

Որոշումն անհապաղ ուղարկել լիազորված մարմին ՀՀ Ֆինանսների նախարարությանը:

Հայցվորի ներկայացուցչի միջնորդությունը՝ գործը դատական նիստում քննելու մասին, մերժել:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

**ԴԱՏԱՎՈՐ՝**

**Տ. ԳՐԻԳՈՐՅԱՆ**